

041
6185
:5



山堂肆考地理第二十五卷

○井

世本黃帝鑿井。聚民為邑。淮南子曰。伯益鑿井而
龍登玄雲。神棲崑崙。

神農社

盛弘之荊州記。隋郡北界。有厲鄉村。村南有重山。山下有
一穴。父老相傳。神農所生地。中有九井。汲一井。餘井水皆
動。後人即以此為神農社。歲祠之。

老子廟

劉義慶幽明錄。襄邑縣南瀨鄉。有老子廟。廟中有九井。能
潔齋入祠者。水輒澄清。隨人意念。

素王中

十人

一

投轄留客

漢書陳遵字孟公性嗜酒每飲賓客取轄投井中雖有急不得去

移書諭神

唐韓朝宗為襄州刺史城中有昭王井汲者必死雖渴困人不敢窺視朝宗移書諭神自此飲者無恙人號韓公井

懸壺

周禮夏官挈壺氏掌挈壺以令軍井注云為軍穿井成挈壺懸其上令士眾知之

負缶

說苑衛有五丈夫俱負缶入井出而灌灌終日竟一區鄧

析過下車教之曰為機重後輕前命曰桔槔終日可溉百區五丈夫曰吾聞師言有機智之巧必有機智之心吾不為也

埋砂致壽

抱朴子曰余亡祖鴻臚少時為臨沅令云此縣有廖氏家世壽考疑其井水殊赤乃試掘井左右得古人埋丹砂數斛

得錢展業

王隱晉書上黨鮑陸家多凶喪淳于智卜之曰君安宅不利爾可徑至市門當有一人賣新馬鞭者便就買還懸舍東北大樹三年當暴得財陸承言詣市得馬鞭懸之三年

井中果得錢數十萬。於是業用既展，家亦無恙。

鳩出

戴延之西征記：板渚津南原上有厄井。父老相傳：漢祖與楚戰，敗逃此井，追軍至，見兩鳩從井中出，得免厄。

鳥巢

劉敬叔異苑：蘭陵昌慮縣郢城有華山，山上有井，有鳥巢其中。此鳥金翅黑色，見則必大水。

玉羊

韓詩外傳：魯哀公使人穿井，三月不得泉，得一玉羊焉。哀公懼，孔子聞之，見公曰：「臣聞水之精為玉，土之精為羊。此羊肝必土爾。」公使人殺羊視之，果然。

金魚

叙州府城南有金魚井，中有金魚，故名。宋黃庭堅貶涪州，酷好茶，令人徧汲井水試之，惟此井水品為第一。

井邊種橘

列僊傳：蘇耽啓母曰：「有賓來會，耽當僊去，違於供養，明年天下病疫，庭中井水，井邊種橘，可以代養。井水一升，橘葉一枝，可以療一人。來年果疫，母如言救之，無不愈者。」

井中瀉莖

金陵記：江南計吏止於傳舍，及將就路，以馬踐草瀉井中，謂已不復再過。不久復由此飲，遂為昔時莖刺喉而死。後人以此為戒，曰：「千里井不瀉莖。」

涪首河

莖音劉

投壘

張勃吳錄初漢黃門張讓等劫天子北至河上。傳國壘投於井中。及孫堅討董卓入洛。屯軍城南。望見甄官井上有五色氣。使人入井。得傳國壘。

得鐘

晉書晉元帝大興初。會稽人於井中得一鐘。上有古文十八字。郭璞曰。王者之作。必有靈符。

紫沫

安慶府望江縣菩提寺北。有司馬龍井。相傳嘗有紫沫浮井上。累日始散。識者云此龍涎也。

紅光

左慈井。在廬江縣南。相傳慈嘗置丹一粒於井中。宋政和間。每清夜氣肅。輒有紅光燁然燭天。

龍出東箱井

涼州記慕容氏咸寧二年。夜見龍出東箱井中。行大殿前蟠臥。旦視其鱗甲足跡。尚有濕處。

龍入後宮井

梁書高祖郗后性極妬。及終化為龍。入後宮井中。通夢於帝。或見形光彩照灼。帝體不安。龍輒激水騰湧。帝於是井上設衣服及百味祀之。竟不敢復立后。

洗藥

長沙府有洗藥井。相傳孫思邈濯丹之所。

煉丹

秦少游龍井記龍井即舊龍泓距錢塘十里吳赤烏中方士葛洪煉丹於此當西湖之西浙江之北風篁嶺之上實深山亂石中之泉也相傳有龍居之故曰龍井

應潮

金陵鍾山頭陀寺第一峰有應潮井其泉與江潮盈縮相應故名石邁古跡編井內時得斷帆朽木之屬

鎮石

嶺表錄異綠珠井在白州雙角山下昔梁氏女有姿容石崇為交州採訪使以珠三斛買之今舊井存焉相傳飲此水者誕女多美麗閭里以美色無益於時遂以巨石鎮之

自後產女雖美然七竅四體多不完具又汝州諸井皆以夾錫錢鎮之問其故一老兵曰此邦饒風沙沙入井人飲之則成癭夾錫錢所以治沙土也

臨邛火井

異說臨邛縣有火井漢室之盛則其勢赫熾桓靈時漸微孔明一窺而更盛至景曜元年人以燭投之即滅此年蜀併於魏

荊州風井

荊州記有井曰風井夏則風出冬則風入

出雲

洞冥記長安東七萬里有雲山山頭有井雲從中出若土

德王則黃雲出。火德王則赤雲出。水德王則黑雲出。金德王則白雲出。木德王則青雲出。

興霧

見霧。

擲瓦變甘

兗州府單縣東北隅有呂井。俗傳呂僂翁與單父人惠翁遊。苦其水鹹。擲瓦井中。水遂變為甘美。

分器息鬧

高士傳。管寧所居七落。會人來汲水者。男女錯雜。爭井喧鬧。寧患之。乃多買器分井旁。汲以待之。

寶公

寶誌公井。在上元縣大市街心。宋曾拯詩。塵容俗狀慚窺影。欲汲寒泉洗此心。

王女

王女井。在高郵治西南。東齊郊道光與其女居井旁煉丹。故名。宋崔伯易有記。

彭祖

彭祖井。在徐州城西北隅。彭祖舊宅。唐皇甫冉有詩。宋陳請作彭祖觀井圖銘并序。

崔婆

崔婆井。在衛州府西。崔婆宅。宋張虛白舉進士不利。辟穀而遊至此。崔婆飲以醇酒。後虛白僂去。郡人余安遇虛白。

於揚州因寄崔波詩。武陵溪畔崔波酒。天上應無地下有。南來道士飲一斗。醉臥白雲深洞口。又楊妃井。在容縣西。賈誼穿。

荆州記。湘州南寺之東。為賈誼宅。有井甚深。上斂下天狀。似壺。即誼所穿井也。今為陶侃廟。

東坡鑿

東坡井。在廣州府玄妙觀之西。東坡寓居所鑿。得一石如龜。名龜鼎。

織女縲絲

秦州西溪鎮有縲絲井。世傳漢董永寓居於此。家貧父亡。貸主人萬錢葬父。許身為奴。道遇一女求為妻。同造主人。

約織縲三百疋。以償所貸。一月而畢。遂辭永曰。我天之織女也。天帝以君孝。遣我助之。言訖。凌雲而去。井即女所以縲絲者。一說永本千乘人。少失母。獨養父。流寓孝感。千乘今青州地。孝感湖廣屬縣也。

金人撞杵

衡州府益陽縣有平岡。岡上有金井數百所。深不可測。相傳有金人。以杵撞地而成。故名金井。又南康記。雩都盤固山。其上有井。大銅人守之。五十年一涌。水起至數十丈。銅人每以手掩之。

灌嬰銘

見水風起輒動。

鮑照謎

鮑照井謎。一八四八。飛泉仰流解云。一八四八。五八也。五八四十。即井字。

以銀作牀

淮南王詩。後園鑿井銀作牀。金瓶素綆汲寒漿。杜詩露井凍銀牀。

以玉為檻

山海經注。崑崙墟在西北帝之下都。高萬仞。面有九井。以玉為檻。

續音位

珉玉為績

水經注。華林園有古井。悉以珉玉為績。石為口。工作精密。

雕木為盤

雲林異景志。唐霍僊鳴別墅。在龍門一室之中。開九井。皆以雕鏤木為盤覆之。夏月生其上。九井生涼。不知暑氣。

胭脂

胭脂井。在上元縣臺城內。又名辱井。昔陳後主與張麗華孔貴嬪投其中。以避隋兵。井欄石脉有胭脂痕。故名。宋曾南豐有辱井銘。蓋耻後主之死也。

琉璃

琉璃井。在潁州治東南。井底有青石八片。光瑩如琉璃。故名。

杜公誠心

新城縣有杜公井。唐軋室中。董昌圍急。城中乏水。穿百丈。不得。都將杜稜誠心禱之。泉立至。

賈耽妙手

廣記賈耽鎮滑臺。城北鑿八角井。以鎮黃河。於是潛令人伺之。果有老父至。問曰。誰人鑿此。曰。賈君。老父曰。大妙手。但近東近西。近南近北耳。耽問之曰。是井太大也。

○洞

茅君傳。大天之內。有玄中之洞三十六所。

偃月

全椒縣龍蟠山。上有虎跑泉。桃花洞。偃月洞。

棲霞

桂林府七星山畔。有棲霞洞。緣磴而上。入石門百步。如坦夷。可坐數十人。其下復有洞。入半里許。遇大壑。不可進。有路北行。頽僂而前。數步復寬衍。兩旁十餘丈。石乳下垂。如玉簪珠旒。寒泉怪石。交映叠出。世傳穴通九疑山。洞有老君像。唐明皇置。

白雲

白雲洞。在南康府西山頂。白雲常出入。洞口有白雲菴。

玄風

玄風洞。在桂林府七星山下。慶林觀後。洞口低下。陰風襲人。又麻姑山頂。有丹霞洞。

還珠

還珠洞在桂林府伏波山下。俯瞰離水。中可容二十榻。戶牖穿透。石如蒼玉。旁垂一石柱。下至平地。不合者纔一線。許俗號伏波試劍石。相傳前代有一漁者。洞中行數百步。漸明朗。見一物如犬。瞑目而睡。前有一珠甚光瑩。因急懷歸。官府尋知之意。其為異物。亟命還之。漁人復至洞中。此物猶未醒。故後人名洞曰還珠。

鳴玉

鳴玉洞在桂林府陽朔縣西南。洞廣大深邃。有石乳下懸。又有石牀石筍石盤諸狀。泉聲琮琤如鳴玉。故名。舊名梵音。

金雞

金雞洞在陽朔縣西南官道之側。周回有山。一在縣西十里。中有小江。江上乳石。燦如龍鱗。

石牛

石牛洞其石狀似牛也。在潛山縣西北。宋黃庭堅讀書於此。因號山谷道人。中有李公麟畫庭堅坐石牛像。

白鹿

南康府五老峰下有白鹿洞。唐李渤與兄涉俱隱此。養白鹿。因以名洞。宋寧宗卽位。召朱熹入朝為相。因忤權臣。在位四十六日而歸。遂入白鹿洞著書。卽此。

黃龍

杭州葛嶺之後有黃龍洞。宋淳祐間。經略花園使孟珙建。

給訝音
酣呀

護國仁王禪寺。自其趾斗折而上。有洞給訝。深杳不測。相傳夏初雨霽時。常有神物蜿蜒臥松上。蓋黃龍也。平涼府崆峒山東岩之半。有皂鶴洞。

呼猿

杭州武陵山有呼猿洞。在飛來峰之西。冷泉亭之左。晉僧慧理嘗畜白猿於此。劉宋有僧智一。因訪舊蹟。亦於洞中畜猿。臨洞長嘯。則諸猿畢集。故名。

飛鼠

博白縣南。有將軍洞。一名飛鼠洞。

落馬

岳州府古門縣。有落馬洞。相傳漢昭烈落馬於此。

投龍

投龍洞。在南昌府華林山。唐明皇投金龍於此。因名。昭宗時。里人費瑄避寇於此。得明皇所投金簡玉環。又鏤文八十六字。

金粟

金粟洞。在泉州府紫帽山。相傳元德真人鄭文叔居之。宋寧宗御書金粟之洞四字刻於石。又詳見紫帽山注。

寶芝

寶芝洞。在夔州府達縣鳳皇山頂。有泉自洞中出。衝沙激石。散而為乳。與土相雜。積成山峯。嵌空奇嶮。自然天巧。

國山三洞

善卷洞在宜興縣國山東南洞有三曰乾洞曰大水洞曰小水洞周幽王時忽自開裂奇形怪狀宛如飛墮周圍峭壁刻以佛像有石筍高丈餘號玉柱宋熙寧初僧若冲與其徒秉燧以入行約三十里忽聞聲大震衆懼而返。

隱山六洞

桂林府西有隱山唐李渤出鎮時見石門大開有水泓澈乃芟雜蕪穢疏通巖穴石林磴道若天造靈府因號隱山上有六洞曰朝陽夕陽南華北牖嘉蓮白雀等名宋朱希顏呂愿中等各有詩。

十房

十房洞在長沙府化縣北洞門廣闊洞內若廳自廳入

穴中有天窓左右列十房房各有門鐘磬備具後有石田石池。

雙城

湖廣施州衛城北有雙石城山山下有雙城洞荊州府夷陵縣西北有三游洞唐白居易與弟行簡及元稹三人游此作三游洞記刻於石。

白沙

白沙洞在梧州府北流縣勾漏山秉燭從竇入偃僂俯伏凡經六七竇行一里餘乃至勾漏山甲天下而此洞為勾漏第一樂清縣西有白石洞相傳十二真人所治之地王十朋有詩。

朱明

羅浮山下有深洞。號朱明曜真洞天。洞中常有五百位真人遊會。唐開元二十六年。奉勅建花首臺。天寶初。詔道士申泰芝祭山。欲尋朱明洞。時邑簿任知宣領耆老。尋見一洞。因以藤垂一人下洞。約五丈餘。卻出云。下視無底。日月星辰無不備。初有白雲。須臾散漫成五色。

通天

杭州北山有龍泓洞。一名通天洞。俗傳其底可通浙東。壁間有蔣之奇篆書。費似道題名。宋咸通中有高士丁飛字翰之。居洞中讀書採藥。力田自給。

迎春

迎春洞在池州府建德縣東南七里。高深如屋。旁有兩穴。可秉燭入。宋政和中。主簿左譽為記。

留儂

鎮江府放鶴門內有西園。宋韓蘄王故園也。中有飛蓋堂。留儂洞。

昇真

宋陳覺民字達野。嘗遊柘山。過武夷。題詩昇真洞云。昇真洞口接天門。靈草丹桃日日春。聽說列僊來瑞世。三朝德業在新民。按宋章聖皇帝及神考哲廟。皆武夷君應世。故云三朝德業。章聖事見楊大年家集。

聞作樂聲

乳水洞在順天府房山縣大房山東北有懸崖千尺餘下有石窟潤二丈許深不可測嘗聞作樂聲唐胡詹有記昔人有篝火浮舟探之者行五六日莫究其源但見僂鼠書簞音滑飛頰鱗遊泳頰音稱

聞誦經聲

夷堅志李允川政和間至和州遊遠郊忽墜一穴中黑如夜稍進漸明石池中荷花爛熳天日光耀又聞誦經聲不見人已而忽至道旁僧寺問僧乃滁州境也已過七日纔一晝耳其所墜乃華陽洞

金庭玉堂

台州府天台縣赤城山有玉京洞晉許邁嘗居此與王羲之書云自山陰至臨海多有金庭玉堂僂人芝草即此

瓊章寶藏

括蒼洞在台州府僂居縣東南名曰成德隱元之天蓋第十洞天也宋光宗在東宮時書瓊章寶藏四字鎮之

石聳如雪

大城洞在宜興縣東南洞門僅容一人中漸平曠有白石高聳如雪鋪鹽米堆又有泉流縈繞之

泉湧如雷

九江府瑞昌縣西有玉華洞洞有僂跡泉湧如雷唐僧於洞中獲磬與錢皆漢時物

小兒握珠

龍城錄茅山隱士吳綽素擅潔譽神鳳初採藥華陽洞口見一小兒手把大珠三顆戲於松下綽因前問小兒忙奔入洞綽恐為物所害遂連呼相從入欲救之行不三十步見兒作龍形手握三珠填耳中綽素剛勇有膽略即以藥斧劓之落左耳而珠已失所在龍亦不見出十餘步洞門已閉綽後封養素先生

童子刺船

稽神錄婺源縣有張公山洞洞穴如井咸窻末有洞靈觀道士以繩縋下百餘丈乃至底旁視有光崖有屋宇花木樹石宛然僊境有一道士方棋使一童子刺船至童子問欲渡否谷曰當還於是童子刺船而去鄭遂復縋而出明

日井中出一石筍塞其口無復入者

千人避亂

湖廣桃源縣有桃源洞周回七十里秦時有千人入洞避亂

二姓聯婚

平樂府城東有陶李洞昔陶唐英李太尉謫居昭州故二姓聯婚至今子孫居之

石滴成盃

廬州府英山縣廣福山之側有洞曰龍潭其洞深遠泉滴石成竅如盃盃然

乳滴成像

酉陽雜俎昔有人遊南山乳洞洞深可數里乳旋滴瀝成
飛流狀洞中已有數十處眉目衣服形製精巧如天成一
處已上其人因以手承漱之後經年再往見所承
滴像已成矣乳不復滴當手承處衣缺二寸不就

兩崖鸞鶴

婺源縣西北有靈巖三洞東曰慶雲石竇皆五色兩崖有
鸞鶴雲霞之象西曰蓮花有大石室刻石像於中旁有羽
蓋幢節皆乳石所成南曰含虛洞有二重皆襟帶浙嶺通
連率山

四壁魚鰕

南康記唐魚朝恩有洞房四壁夾安琉璃板中貯江水及

萍藻魚鰕等物鰕魚藻洞

洞中得書

吳地記闔閭使靈威夫人入林屋洞十七日不得盡因得
禹書洞有三門同會一穴中有金庭玉柱靈跡漢劉根嘗
於此學道

洞中刻經

石經洞在順天府房山縣石經山之東隋大業間法師靜
琬處此募緣鑿石為板刻經一藏以傳後世至唐貞觀初
僅成大涅槃一部而法師卒後子孫相繼歷遼金始完貯
於洞者七穴者二洞以玉閉之穴以浮屠鎮之

蛇蟠

四川黎州安撫司城北邛崃山有靈應洞洞有巨蛇蟠其中一曰靈應將軍洞

禽集

黎州安撫司東南避瘴山有乾濕二洞凡瘴欲動時飛鳥皆集此山瘴已乃出土人欲知無瘴以鳥出為候然鳥出以立冬前後

鳳石

桂林府獨秀山西有雪洞石壁垂乳潔白如雪唐人書雪洞二字尚存旁有一石如鳳峙然因號雙鳳石

龍田

桂林府羅家山上有南潛洞自南竇入持炬入數步有乳

石中峙乳

纍然地有跡如龍爪所劃俗名龍田又本府

隱山之北有北潛洞中有石室石臺又有石果作荔枝栗之狀

栗之狀

煙霞

煙霞洞在杭州府城南洞中舊有石刻羅漢六吳越王別刻十二共成十八羅漢登州府寧海州東南大崑崙山亦有此洞王真人嘗於此修煉

水月

水月洞在桂林府宜山之北洞門透徹山頂高可數十餘丈其形正圓人遠望之明皎映空儼如月輪宋張孝祥改曰朝陽岩構亭其上亦曰朝陽亭後范成大始復舊名且

山堂肆考
卷之六
為之銘

山堂肆考地理第二十六卷

栗之州

栗之州

意山之北首北麓中谷曰栗之州又曰栗之州
中執事 栗之州亦曰栗之州

山堂肆考地理第二十六卷

○谷

說文泉出流川為谷爾雅水注川曰谿注谿為谷

鳳凰

鳳凰谷在延安府宜君縣西南嘗有五色雀見故名唐建
王華宮於此

鸚鵡

翰林志唐帝嗣立營別第於驪山鸚鵡谷中宗臨幸命從
官賦詩製序賜貺優備因封嗣立為逍遙公名所居為清
虛原幽棲谷

公主

鞏昌府成縣東北有公主谷。後魏宣武時為公主湯沐邑故名。

郎君

六帖王龜字大年。侍父至河中。結廬於中條山谷中。朔望一歸省。州人號為郎君谷。

清溪

鬼谷先生。春秋晉平公時人。姓王名詡。一作詡。嘗入雲氣山採藥得道。顏如少童。居清溪之鬼谷。蘇秦張儀問道。三軍辭去。子曰。二子輕喬松之永壽。而貴一旦之浮榮。惜哉。

華亭

松江府崑山西。有華亭谷。谷有水。縈繞百餘里。出鱸魚。尊

菜

白鴉

白鴉谷。在西安府藍田縣東。谷口出粟。又縣南有青泥水。故杜詩盤剝白鴉谷。口粟飯煮青泥坊底芹。

青牛

青牛谷。在廬山五老峯下。相傳道士洪志乘青牛得道於此。唐楊衡詩。隨雲步入青牛谷。青牛道士留我宿。即此。

鴛鴦

魏都有鴛鴦谷。

雀鼠

雀鼠谷。在山西汾州介休縣西南。唐玄宗北巡并州。嘗經

此處又以郎將王威高君雅將兵討甄翟兒遇於雀鼠谷即此。

黃金

黃金谷在漢中府洋縣東蜀將王平拒曹爽於此

白石

白石谷在太原府清源縣西白石山谷水流出合平泉入汾鳳翔府隴州汧源舊縣界有白環谷以白環水出焉故名。

愚公

愚公谷在臨淄縣西北韓非子云齊桓公逐鹿入谷問一老父此何以名愚公谷對曰臣畜牸牛生犢賣犢而買駒

少年謂牛不能生馬遂持駒去傍隣聞之以臣為愚故名

老姑

老姑谷在保定府唐縣葛洪山西南宋時有一老姑嘗謂人曰貧道住此二百年矣言畢投崖下不墜飛昇而去後人名其崖為捨身崖。

王官

唐司空圖彙官居中條山王官谷時寇盜所過殘暴獨不入此谷。

盧師

河間府景州東有盧師谷元天曆中旱安陵道士持谷中循音賜蛇名小青者至謂禱之即雨齊縣尹呂思誠以其惑人乃

殺蛇逐道士。雨亦隨至。遂有年。

子午

子午谷。在西安府城南。谷中路連南北。故名。又按長安志。王莽有意篡漢。通子午道。後人因名為子午谷。杜詩。故人今居子午谷。獨在陰崖結茅屋。屋前太古玄都壇。青石漠漠常風寒。玄都壇。漢武帝築。在子午谷中。

褒斜

褒谷。在陝西漢中府褒城縣東北。出連雲棧。直抵斜谷。郡國志。北口曰斜。南口曰褒。漢張良說高祖。燒絕棧道。曹操出斜谷。軍遮要以臨漢中。諸葛亮由斜谷取郿。皆此道也。

棲賢

宗少艾。臥遊錄。宋元豐三年六月。過廬山。涉山之陽。入棲賢谷。中多大石。岌業相倚。水行石間。其聲如雷。又如千乘車行者。震悼不能自持。雖三峽之險。不過也。

坑儒

坑儒谷。在西安府臨潼縣西南。漢衛宏云。秦既改古文為篆隸。患天下不從。而召諸生至者。皆拜為郎。又密令冬月種瓜於驪山。研谷中溫處。瓜已實。乃詔諸生往觀。先為伏機於瓜處。諸生方相論難。因發機陷之。後人號曰愍儒鄉。唐立旌儒廟。

豹林

豹林谷。在西安府長安縣南山。谷中水北流。又有竹谷水。

自南來會。子午谷水。自東來會。竝入交水。

鴻池

鴻池谷。在涼州昌松縣。詳見石類。

蒼筤

長沙府嶽麓山下。有蒼筤谷。乃僊巢先生鍾尚書閒居遊觀之地。上有吹香亭。宋理宗親書僊巢吹香亭五字。有詩放鶴去尋三島路。任人來看四時花。

簞簞

陝西漢中府洋縣西。有簞簞谷。谷中多竹。宋蘇東坡嘗為文同與可作簞簞谷竹記。

掛甲

掛甲谷。在密雲縣東北。舊傳宋楊延朗北征。掛甲於此。

彈琴

彈琴谷。在四川黎州安撫司城西北。水出溪中。聲如彈琴。

遮馬

遮馬谷。在平陽府河津縣北。谷有水。可分渠溉田。

盤龍

盤龍谷。在四川黎州漢源鎮東北。

康王

康王谷。在九江府西南。楚康王避難隱此。中有水簾泉。唐陸羽茶經。品其水為天下第一。

馮公

馮公谷在驪山戲水自此谷北流歷戲亭東入于渭。

刻木

襄陽府南漳縣南有刻木谷漢孝子丁蘭所居。

斷梅

周世宗以荆塗二山有王氣斷之時有梅族居此因名谷曰斷梅谷在懷遠縣。

黍谷

見地理中

柳谷

唐陽城隱居柳谷李泌薦為諫議大夫。

鄭玄耕

興元府褒城縣西北有箕谷一名道人谷漢成帝時鄭子真耕於谷口又曰鄭谷。

李愿隱

懷慶府濟源縣北有盤谷唐李愿歸隱於此韓退之送愿序曰太行之陽有盤谷盤谷之間泉甘而土肥草木叢茂居民鮮少友人李愿居之。

雲門

西安府澄城縣西北有雲門谷。

天井

盤谷西北有天井谷石上有數坎其深若井水自上溢相接而落望之若倚劔。

竅見天台

臨洮府城西有通谷可容千百人。上有大竅。可見天台。

路通甘州

臨洮府蘭縣西有李麻谷。路通甘州。

產靈芝

僂芝谷。在平陽府永和縣北。谷中產靈芝草。

生甘菊

荊州記。南陽鄆縣北。其涯多芳菊。水甚甘馨。名曰甘谷。飲此水者。多致壽。

雕窠

鞏昌府秦州南。麥積山之北。有雕窠谷。舊有隗囂避暑宮。

對面有瀑布。瀉出蒼崖間。亦勝景也。

豁都

平陽府鄉寧縣東有豁都谷。每大雨。西山諸水皆會此谷。下建襄陵。太平二縣境。溉田甚廣。

投石鳥飛

車箱谷。在西安府華陰縣西南。深不可測。禱雨者投石其中。若有鳥飛出。即雨。

見劔獸死

黃巢谷。在漢中府金州牛山。唐末黃巢作亂。太白山人謁金州刺史。云請掘此谷。則賊自敗。掘之。得一石桶。上有一劔。中有黃腰獸。獸見劔。自撲而死。後巢果敗。

牛口

牛口谷。在真定府臨城縣西。昔有童謠曰。竇入牛口。勢不得。又竇建德為唐兵所破。走至此。果被擒。

馬翅

宋李永奇。望家出城。至馬翅谷。為金人所害。即此。

崢嶸

青州府莒州焦原山。有崢嶸谷。此山臨百仞之溪。人莫敢近。惟莒有一勇士登焉。故謂此谷為崢嶸谷。

錦繡

撫州府金谿縣後。有錦繡谷。宋王安石詩。還家一笑即芳辰。好與名山作主人。邂逅五湖乘興往。相邀錦繡谷中春。

深藏數十家

東柯谷。在鞏昌府成縣東南。唐杜甫姪。佐居此谷。其居後為寺山。下有大樹。人呼為子美樹。甫詩云。傳道東柯谷。深藏數十家。對門藤蓋瓦。映竹水穿沙。

大破十萬眾

三都谷。在鞏昌府秦州境。宋曹瑋大破唃廝囉十萬眾於

州之三都谷。即此。

○村

說文。村。墅也。

石紐

石紐村。在城都府汶川縣境。帝王世紀。所謂禹生石紐。即

唃音毅

此今名劉兒畔。

凌消

凌消村在真定府城東。村有危渡。相傳漢先武南奔。馳至滹沱河。冰合。遂得渡。軍士渡未畢。冰復解。因名危渡。其村名凌消。

懸水

徐州呂梁洪。名懸水村。取莊子懸水三十仞之義。

斷石

斷石村在休寧縣西。舊名吳口村。西南有石壁下。臨深溪。相傳昔有兩舟泊此。一祭一否。夜有神人徙祭焉。入于北岸。有石自絕壁墜。碎不祭者舟。石墜處遂成入室。

禹會

濠州鍾離縣塗山。有禹會村。

孔靈

孔靈村在歙縣南。晉孔愉避地新安。讀書於此。

梅花

惠州府博羅縣羅浮山飛雲峯之側。有梅花村。蘇東坡詩。羅浮山下梅花村。玉雪為骨冰為魂。即此。

杏花

貴池縣秀山門外。有杏花村。唐杜牧詩。牧童遙指杏花村。即此。一在徐州古豐縣。

白石

此今名劉兒畔。

凌消

凌消村在真定府城東。村有危渡。相傳漢先武南奔。馳至滹沱河。冰合。遂得渡。軍士渡未畢。冰復解。因名危渡。其村名凌消。

懸水

徐州呂梁洪。名懸水村。取莊子懸水三十仞之義。

斷石

斷石村在休寧縣西。舊名吳口村。西南有石壁下。臨深溪。相傳昔有兩舟泊此。一祭一否。夜有神人徙祭者舟于北岸。有石自絕壁墜。碎不祭者舟。石墜處遂成石室。

禹會

濠州鍾離縣塗山。有禹會村。

孔靈

孔靈村在歙縣南。晉孔愉避地新安。讀書於此。

梅花

惠州府博羅縣羅浮山飛雲峯之側。有梅花村。蘇東坡詩。羅浮山下梅花村。玉雪為骨冰為魂。即此。

杏花

貴池縣秀山門外。有杏花村。唐杜牧詩。牧童遙指杏花村。即此。一在徐州古豐縣。

白石

杭州艮山門外有白石村。宋建隆二年於此建延壽白石寺。又德安府東有紫石村。村有宰相林。即唐許紹墓。

赤坎

肇慶府陽江縣朝居里有赤坎村。宋張世傑墓在焉。

黃葉

宋高宗作詩。賜統制劉漢臣。勒石潮鳴寺中。野水參差落漲痕。疎林欹倒出霜根。扁舟一棹向何處。家在江南黃葉村。寺在杭州慶春門外。高宗南渡。駐驛寺中。聞江濤聲。以為金兵追至。駭之。已而問知其故。遂賜寺今名。

黃茅

宋朱文公詩。羅浮山下黃茅村。蘇儷儷去餘詩魂。

金縷

見水

絳帳

絳帳村。在鳳翔府扶風縣東南。漢馬融教授諸生。嘗設絳帳於此。

角里

角音祿

角里村。在蘇州洞庭山。乃角里先生故居也。

伏波

伏波村。在扶風縣漢馬伏波將軍故居。

昭君

音九 王嬙。字昭君。生於峽州。州有昭君村。村中凡生女必灸其

面。白樂天詩。不效往者戒。恐貽來者寃。至今村女面。燒灼成癩痕。

莫愁

莫愁村。據一統志。在湖廣安陸州。漢江石城西。盧家有女。名莫愁。善歌唱。嘗進入楚宮。故後人以其名。名村。按石城。乃晉羊祜鎮荊州時所立。非金陵之石頭城也。故唐鄭谷詩。石城昔為莫愁鄉。莫愁魂散石城荒。江人依舊棹舴艑。江岸還飛雙鴛鴦。帆去帆來風浩渺。花開花謝春悲涼。烟濃草遠望不盡。千古漢陽閑夕陽。宋王璜詩。村近莫愁連竹塢。人歌楚些下蘋洲。觀二詩。則莫愁村在楚為是。或謂村在金陵三山門外。又引鄭詩首二句為證。以附會其說。

更不究其全文。豈以金陵亦有石城所誤耶。

戚姬

交州府定陶縣有戚姬村。即漢戚夫人生處。

馬僂

唐台州人司馬子微。隱荆門縣內方山。煉丹成僂。後人因名其村曰馬僂。

獨頭

唐楊妃弘農華陰人。後徙居蒲州永樂之獨頭村。

由拳

餘杭縣有由拳山。傍有由拳村。出藤紙。搜神記秦始皇東巡。望氣者曰。五百年後江東有天子氣。始皇令囚徒二十

萬人掘汚其地表以惡名故曰由拳。

交漳

潞州潞城縣西有交漳村。濁漳水與絳水至此交流故名交漳。

曲流

曲流村在南寧府武緣縣。

五城

五城村在休寧縣。古有二大墳。昔人有發之者。鐵棺厚二尺。棺纜破。便雷雨晦冥。人懼乃止。

十叢

十叢村在雲南金齒軍民指揮使司城北。龍泉出焉。

落星

落星村在鳳翔府郿縣五大原。即長星隊諸葛亮營處。

朝陽

朝陽本漢之縣名。三國廢之。其故城在南陽縣朝水之陽。故名朝陽。今為朝陽村。

騰音成

馬騰

杭州府錢塘門西有東西馬騰村。錢王時於此畜馬至三萬餘匹。號曰海馬。故以名騰。此地土細敏。樹四時花卉。於此出焉。元羽士張伯雨結廬馬騰。號勾曲內史。陳旅為記。

魚勒

魚勒村在鳳陽府盱眙縣西。村有清眼泉。

石壕

杜子美石壕吏詩。暮投石壕村。有吏夜捉人。村在河南陝州城東。按石壕屬邠州宜保縣。即漢鶉觚縣。昔北狄來侵。太王於此築城禦之。因名石壕。

漆園

大名府東明廢縣。有漆園城。今名漆園村。雲南府經州西南。有桑園村。以桑園河之源出此村。故名。

景賢

景賢村在懷慶府城東北。元許衡別墅在焉。

興廉

興廉村在廬州府。村有淨行院。蘇東坡南遷時。嘗宿此。

詩。

董學

河間府景州西南廣川鎮。有董家里。一名董學村。即仲舒讀書處。朱紹明詩。連村禾黍名猶昔。故址荒蕪草自春。慨想江都為相日。高風千古更誰倫。

黃饒

嚴州府西有黃饒村。相傳黃巢將寇郡時。有異僧陳尊宿織大草履。置此村木杪。賊至視之。曰。彼有人焉。遂出境。俗謂黃巢所饒。因以名村。

茱萸

茱萸村在揚州府城東。元和志。隋仁壽四年。開茱萸灣。以

通漕運。因村在其側。亦名茱萸村。

薔薇

揚州府城東北。有薔薇溝。接高郵永安港。舊云。即昔之薔薇村也。

先主故居

樓桑村。在涿州西南。即漢先主故居。東南隅有桑高五丈許。如車蓋。人異之。因號其里曰樓桑村。

方干舊隱

浙江桐廬縣西。有白雲村。唐方干故居。子孫至宋猶盛。范仲淹詩。風雅先生舊隱存。子陵臺下白雲村。唐朝三百年冠蓋。誰聚詩書到子孫。

吳喜好遊

錦沙村。在嚴州府淳安縣西。傍山依壑。素波澄映。錦石舒文。昔有冠軍吳喜聞而造焉。鼓棹遊泛。彌旬忘返。嘆曰。名山幽谷。故不虛賞。

杜脣異二音

胡銓怕入

買愁村。在瓊州府臨高縣南。宋胡銓詩。北往常思聞喜縣。南來怕入買愁村。區區萬里天涯路。野草荒煙正斷魂。

鼠鬪

白鼠村。在邵武府城南。相傳昔有白蛇與白鼠相鬪於此。故名。

烏啼

海鹽縣有烏夜村。晉穆帝何皇后父準寓此村。產后之夕。有羣鳥驚噪於村落。他日復夜啼。乃帝之準女為后之日。自後有鳥夜啼必大赦。

一村兩姓

徐州古豐縣深山中。民俗淳質。一村惟朱陳兩姓。世為婚姻。因名朱陳村。蘇東坡詩。何年顧倩丹青手。畫作朱陳嫁娶圖。聞道一村惟兩姓。不將門戶買崔盧。

一村二老

蔡脩叢話。梧州府博白縣城下有新村。吾曳杖其間。至一村舍。見兩老人坐飲。乃兄弟也。大者年九十四。謂客曰。此吾幼弟七十八矣。從旁環而侍者。皆兩老人之曾孫。殆可

入畫圖也。

西湖村

西湖村。在孝感縣西。宋太祖微時。因渴索酒於村媪家。媪持酒以進。言權禁甚嚴。此私釀。幸密之。與金不受。後太祖登極。特寬西湖村酒禁。

東湖村

村在孝感縣東。宋徽宗時。此村有農夫視夜。有光燭天。聞之於官。掘地得周時九鼎。貢於朝。

○莊

莊者。取藏聚之義。唐人呼別業為莊。

晉公散羊

唐裴晉公午橋莊小兒陂茂草盈園公每使驅數羣羊散牧其上曰芳草多情賴此粧點按此莊後為宋張齊賢所得

和王養魚

杭州府有宋楊和王養魚莊其軒亭有高宗御書按王名存中本名沂中字正甫紹興間賜今名代州崞縣人從上南渡屢立戰功封和義郡王

珍松怪石

唐李德裕東都有平泉莊周回四十里堂榭百餘間奇花異草珍松怪石莫不畢具自作記曰鬻吾平泉者非吾子孫也以一石一樹與人者非佳子弟也吾百年後為權勢

所奪則以先人所命泣而告之此吾志也後經世變餘胤不能守俱為洛陽有力者取去記所云者祇足貽達人一笑耳初德裕營平泉遠方之人多以異物奉之有題平泉詩者曰隴右諸侯供語鳥日南太守送名花

竹籬茅舍

宋韓侂胄封平原王嘗與眾客飲南園過山莊顧竹籬茅舍曰此真田舍間氣象但少犬吠鷄鳴耳俄聞犬吠叢薄間視之乃京尹趙師異也侂胄大笑聞者鄙之

資福

唐宦官魚朝恩以賜莊作章敬寺以資太后冥福

養貧

宋范仲淹輕財好施尤厚於族人既貴於姑蘇近郭買良田數千畝為義莊以養羣從之貧者擇族人長而賢者一人主其出納

縣西蔡董

二孝莊在汝陽縣西漢孝子蔡順董永所居

城南常杜

常曲在西安府城南樊川為唐常安石別業有林泉花竹之勝杜曲在城南下杜本杜岐公牧別墅牧又增之名樊水園與常相埒故當時語曰城南常杜去天尺五

王維輞川

唐王維字摩詰晚得宋之問藍田別墅在輞川中有孟城

柳華子岡辛夷塢等二十景嘗作輞川圖行於世

濁音黑

東坡瀾湖

蘇東坡別業在宜興縣瀾湖塘其詩曰買田陽羨吾將老從來只為溪山好陽羨即今宜興也秦置陽羨縣

樂天雪莊

白樂天詩明年官滿後擬買雪堆莊

養浩雲莊

山東濟南府城西北有雲莊元中書參議張養浩休致時所居中有雲錦池雪香林掛月峯待鳳石遂閑堂

韓王莊

韓王莊在淮安府城西北相傳為韓信所生之處

薛球莊

蒲州古城東北有樂安莊。薛球以樞密直學士致仕歸。築室以居。因其封郡名曰樂安。范純仁作記。南北分為二園。其北曰逸老堂。公寄傲棲息之所。東曰三經堂。公寄懷於簡編也。其西曰無無堂。公自以無欲無營。又取夫莊生之言而名之也。

盧田

盧人莊。在懷慶府濟源縣西北石村北之玉川。全詩云。買得一片田。濟源花洞前。即此。

竇整

竇氏莊。在蘇州城東。五代周諫議大夫竇禹鈞故居也。莊

南建義塾四十餘楹。聚書數千卷。禮文儒。延置師席。凡四方有志於學者。聽其自至。貧無供需者。咸資之。

松江別業

唐陸龜蒙嗜茶。置園於顧渚山中。有別業在松江。時往來耕種。自號天隨子。江湖散人。

德清別業

元趙孟頫有別業在湖州府德清縣。趙有懷德清別業詩。揚林堂下百株梅。傲雪凌寒次第開。枝上山禽曉啁晰。定應喚我早歸來。

莊賜鄭光

唐宣宗以雲陽鄆縣莊賜大將軍元舅鄭光。大中六年詔

啁晰音
朝息

賜莊免稅。雲即書門下奏曰：稅役之法，天下皆同，而鄭光獨免，似有偏私。朕以鄭光元舅，初不細思，卿等苟非愛我，豈進言來，立依所奏。

莊賜拜林

保定府新城縣西北有駐驛莊。元英宗嘗駐驛於此。至治間，賜丞相蕭拜住為別業，俗呼為高密店。

文翁莊

文翁莊在舒城縣西南。文翁，漢舒人，嘗讀書於此。

子華莊

宋韓子華有石淙莊。蘇東坡詩：彼美石淙莊，每到百事廢。附園。

古者苑囿必於東方，蓋東方萬物所生之地也。天子百里，公侯八十里，伯七十里，子男五十里。風俗通：苑，蘊也。言新蒸所蘊積也。說文：苑有垣曰囿，猶有也。

黃山

漢書霍雲當朝請，數稱病私出，多從賓客，張圍獵於黃山苑。

白水

陶季直京邦記：金陵覆舟山，周回二十許，有林曰白水苑。

甘泉

三輔黃圖：甘泉苑在長安城西。漢武所置，緣山谷行至雲

陽三百八十里。西入右扶風。凡周迴五百四十里。苑中起宮殿臺閣百餘所。有僊人石闕。鳩鵲觀。御宿苑。

芳林

芳林苑。在金陵東北。吳時創。一名桃花苑。齊高帝舊宅在此。

長洲

長洲苑。在蘇州太湖北岸。吳王闔閭遊獵處。

上林

三輔黃圖。漢上林苑。即秦舊園。武帝建元三年。開周袤三百里。內有離宮七十所。皆容千乘萬騎。張衡西京賦。上林禁苑。跨谷彌阜。東至鼎湖。邪界細柳。是也。

博望

漢戾太子既冠。武帝為築博望苑。使通賓客。在西安府城北。

廣成

廣成苑。在南陽府汝州西。漢明帝創。周圍百餘里。後漢靈帝光和中。校獵於廣成。馬融有廣成頌。

樂遊

金陵覆舟山之南。有樂遊苑。在晉為樂園。義熙中。盧循反。劉裕築樂園壘以拒之。即此。元嘉中。以其地為北苑。更造樓觀於覆舟山。後改名樂遊苑。

靈昆

畢音畢東漢靈帝光和二年作畢主靈昆苑司徒楊賜諫曰先王造園裁足以修三驅之禮新菜芻牧悉往焉今廢田園驅居人畜禽獸殆非若保赤子之義。

思賢

西京雜記漢文帝為太子立思賢苑以招賓客苑中有堂皇六所。

宴士

瓊林苑在開封府西鄭門外宋嘗宴進士於此。

賞花釣魚

宋太宗雍熙元年召輔臣三司使翰林樞密直學士尚書省四品兩省五品以上三館學士宴於後苑賞花釣魚命

羣臣賦詩

解帶移鞍

開封府麗景門外有宜春苑宋人號東御園王安石詩云宜春舊臺沼日暮一登臨解帶行蒼蘚移鞍坐綠陰

中立店肆

芳樂苑在金陵臺城內齊東昏侯即閱武堂為之窮奇極麗中立店肆潘妃為市令自為市吏錄事將鬪者就妃罰之百姓歌曰閱武堂種楊柳至尊屠肉潘妃酤酒

內為海山

隋煬帝大業中築西苑周三百里其內為海周十餘里海中為方丈蓬萊諸山出水百餘丈臺殿宮觀羅列山上海

北有龍鱗渠。縈紆注海。緣渠作十六院。每院以四品夫人主之。上好以月夜從宮女數千騎遊西苑。作清夜遊曲。於馬上奏之。

桑梓

河內十二境簿。洛陽城西有桑梓苑。

桂林

左思吳都賦。數軍實於桂林之苑。享戎旅於落星之樓。京邦記。桂林苑在建康縣北。

養鹿

山西遼州和順縣有鹿苑。相傳為趙襄子養鹿之所。

牧馬

漢舊儀注。太僕牧師諸苑三十六所。分布西北二邊。以郎為苑監官。奴婢三萬人。養馬三十萬匹。養鳥獸者。通名為苑。故謂牧馬處為苑。

斬豕

唐太宗獵洛陽苑。有羣豕突出前。及馬鐙。民部尚書唐儉投馬搏之。上拔劍斬豕。顧笑曰。天策長史不見上將擊賊耶。何懼之甚。對曰。陛下以神武定四方。豈復逞雄心於一獸。上悅。為之罷獵。

獲兔

東魏永興三年於北苑。獲白兔。剖之腹中。三子盡白。

禁山

山堂雜考 卷二十六 十一

周禮雍氏禁山為苑。令禽獸自得其性。

因野

班固東都賦。因原野以作苑。順流泉而為沼。

鹿伏

已下園

詩大雅王在靈囿。麀鹿攸伏。

麟臻

漢成帝校獵長楊射熊館。楊雄作賦以諷之。其序曰。二帝三王宮館臺榭沼池苑囿。林麓藪澤。財足以奉郊廟。御賓客。充庖厨而已。不奪百姓膏腴。穀土桑柘之地。國家殷富。上下交足。故甘露零其庭。醴泉流其塘。鳳皇巢其樹。黃龍遊其沼。麒麟臻其囿。神爵棲其林。

蕩舟

左僖三年。齊侯與蔡姬乘舟於囿。蕩公舟。注云。蕩。搖也。

為阱

孟子曰。臣聞郊關之內。有園方四十里。殺其麋鹿者。如殺人之罪。則是方四十里。為阱於國中。

棄田

孟子曰。堯舜既沒。聖人之道衰。暴君代作。壞宮室以為汚池。民無所安息。棄田以為園囿。使民不得衣食。

取圃

左莊十九年。惠王即位。取為國之圃。以為圃。

射鳴

連騎所安不過容膝而懷楚國之憂可乎。于是謝使者遂相逃而為人灌園。

仲舒三年不窺

漢董仲舒下帷發憤三年不窺園。

法真歷年不窺

東漢法真隱大澤講藝術歷年不窺園囿。

公儀拔葵

白帖公儀休相魯拔園葵不與民爭利。

戴宏灌蔬

戴宏為河間相及免歸自灌園蔬以經教授生徒。

乘輿入園

晉王獻之。高邁不羈。嘗經吳郡。聞顧辟彊有名園。初不相識。乘平肩輿徑入。辟彊方會客。獻之游歷既畢。傍若無人。辟彊數之曰。客傲主人。非禮也。以貴驕士。非道也。失是二儉音橙者。不足齒之。儉耳便驅出門。獻之傲如也。不以屑意按辟彊。吳郡人。歷郡功。曹平北參軍。

翻車灌園

魏馬鈞巧宦絕世。居京師。有地為園。而無水。以灌。乃作翻車。令兒童轉水灌園。

飛蓋相隨

西園在彰德府鄴縣。舊治曹操所作。曹子建西園公讌詩。清夜遊西園。飛蓋相追隨。宋龐籍作飛蓋園。以為遊樂之

山堂集考
宮集二十七卷
二
所取此義也。

持鋤自理

漢孫寶為京尹。署候文為東郡督郵。于是灞陵杜桓季。杜門不通水火。持鋤自理園。不敢犯法。

鋤園得印

東漢桓帝時。沛國戴翼鋤園得黃金印。

鋤園揮金

世說管寧華歆園中鋤菜。見地有片金。寧揮鋤與瓦石不異。華歆捉而擲之。人以此定優劣。寧字幼安。歆字子魚。

芳林

魏明帝建芳林園。在河南府城東北隅。齊王芳改為鞏林。

園

香水

北直隸隆慶州有香水園。元仁宗誕生處。

華林

上元縣治東北臺城內有華林園。本吳舊宮苑也。世說晉簡文帝在華林園。謂左右曰。會心處不必在遠。儵然臨水。便有濠濮間想。覺鳥獸禽魚自來親人。

曲水

濕音異。曲水園在開封府許州城北。有大竹二十畝。濕水貫其中。以入西湖最為佳處。宋文彥博為守時。買得之。賈昌朝來代。一日往遊。題詩于壁。畫船載酒及芳辰。丞相園林濕水。

濱虎節麟符拋不得。卻將清景付閑人。

金谷

金谷園在河南府城西。地有金水。自太白原南流經此谷。晉石崇因川阜造園館。自作詩序。園有清涼臺。卽崇妾綠珠墜樓處。

玉津

玉津園在開封府城南。宋哲宗時。文彥博致仕。令有司備冊禮餞送于玉津園。仁宗時。契丹使者邢律防至。王德用與之較射于玉津園。卽此。及高宗南渡。紹興十七年。又建玉津園于杭州城南龍山之北。卽史彌遠誅韓侂胄處。

脩竹

脩竹園在開封府歸德州東南。王鉷置中。多植竹。故云園有白靈山。山有落猿巖。棲龍岫。又有鴈池。池有鶴洲。鳧渚。卽所謂兔園也。

瑞萼

瑞萼園在杭州。錢王鏐置。後捨建龍華寺。

逍遙

逍遙園在西安府東山曲。唐逍遙公翬立。置張說為之記。

婆娑

宋崔鷗字德符。宣和末。除侍御史。以學疾致仕。治園數畝。號婆娑園。在南陽府郊縣。

濯龍

東漢洛陽西北角有濯龍園

鳴鶴

晉宮闕名洛陽宮有瓊圃靈芝園鄴有鳴鶴園葡萄園

桃李

桃李園見春

荔枝

荔枝園在重慶府江津縣廳西北園中荔枝相傳唐人所

植每熟士大夫相聚食之

納賢

漢主聰為劉后起鸕儀殿廷尉陳元達切諫聰大怒命在

右曳出之并其妻子梟首于東市時聰在逍遙園李中堂

大司徒任顛等叩頭出血劉后密敕停刑手疏上言妾觀

自古敗國喪家未始不由婦人心常疾之不意今日身自

為之使後世視妾猶妾之視昔人也願賜死此堂聰覽之

變色命顛等冠履就坐引元達上以表示之曰外輔如公

內輔如后朕復何憂更命園曰納賢堂曰愧賢謂元達曰

卿當畏朕而反使朕畏卿耶

宴士

杏園在西安府城東曲江池唐宴進士于此

梧桐

梧桐園在蘇州吳宮內夫差所葺樂府云梧桐秋吳王愁

首翁
郭仲產仇池記城東有首翁園。

流星

亳州東天靜宮碑有星突流于園老子因而誕生故名。

聚景

聚景園在杭州府治西宋高似詩翠華不向苑中來可是年年惜露臺水際春風寒漠漠官梅却作野梅開。

叢春

洛陽有叢春園宋侍郎安公別業叢春亭出茶麋架上北可望洛水。

富春

富春園在河南府城東唐元稹白居易俱有詩又杭州有半春小隱等園皆史彌遠別墅。

離垢

劉慧斐張孝秀隱居東林寺慧斐于山北構一園名離垢時人稱為離垢先生。

歸仁

洛陽有歸仁園在舊歸仁坊廣輪皆一里餘北有牡丹芍藥千株中有竹百畝南有桃李彌望唐牛僧孺置至宋時為侍郎李昉所有構亭其中。

東籬

梁何點世信佛居東籬園孔德璋為築室豫章王疑命駕

造點點從後門遁去園有下忠貞塚點植花塚側每舉酒必酌之按此園在應天府東籬門外忠貞晉下壺謚

北村

宋戶部尚書吳興沈公為園于城東奉勝門外之北村名其園曰自足葉水心為之記

田千秋園

千秋園在河南靈寶縣今舊田村是也宋范鎮詩自古桃林漢相園至今有舍號田村蒼山綠水依然在不獨青編事業存

白樂天園

李文叔洛陽名園記大字寺園唐白樂天園也樂天嘗云

吾弟在履道坊五畝之宅十畝之園有水一池有竹千竿即此

崔端公園

唐李端題崔端公南園詩上士愛清輝開門向翠微抱琴看鶴去枕石待雲歸野坐苔生席高眠竹挂衣舊山東望遠惆悵暮花飛

劉鄜王園

秀野園在杭州葛嶺上劉鄜王琦別墅中有四并堂

羅隱南園

唐羅隱南園詩博擊路終迷南園且灌畦敢言逃俗態自是樂幽棲

鄜音夫

薛能南園

唐薛能南園詩天子優賢是有唐。鑑湖恩賜賀知章。他年
戎若成功去。乞取南園作醉鄉。

貞園

唐李茂貞園在鳳翔府北城之東。宋蘇軾詩我時來周覽
問此誰所築。云昔李將軍。負險乘衰叔。此園破千家。鬱鬱
鞞空使後世人。聞名頭猶縮。我今官正閑。屢至因休沐。人
生營居止。竟謂何人卜。何當辦一身。永與清景逐。

勳音酒

朱勳園

宋劉子翬題朱勳園詩樓舡載花石。里巷無袴襦。至今江

左地風雲亦嗟吁。叨榮已過量。受福如償逋。荒涼戟門路。
尚想冠蓋趨。客船維岸柳。鄰人曾池魚。徘徊極幽觀。曲折
迷歸途。夜月扁綺戶。春風散羅裾。繁華能幾何。喪亂實感
予。曹鄴予何譏。此曹真人奴。

奉誠園

唐馬燧之子暢。以第中大杏餉竇文場。文場以進德宗。德
宗未嘗見。怪問之。令中使封暢杏樹。暢懼。因進宅為奉誠
園。一作鳳城。

擇勝園

擇勝園在杭州九曲城下。宋秀王別墅。理宗書擇勝愛閒
二扁。

園侷禁省

洛陽有宋趙韓王宅。初詔將作匠營治。故其經畫制度。殆侷禁省。韓王以太師歸。是第百日而薨。子孫皆居京師。罕居之。故園池常扁鑰。不啟高亭大榭。花木淵數。歲時獨廝。養擁篲負畚鍤者。得出入其間而已。

園等臺城

齊文惠太子性奢侈。開拓園圃。與臺城北塹等。樓觀塔宇。多聚奇石。妙極山水。慮帝望見。傍列脩竹。內施高障。仍造遊檣數百間。

集芳

集芳園在杭州葛嶺上。宋張婉儀別墅。紹興間改屬官家。

樂遊

樂遊園。漢宣帝所立。唐長安中。太平公主置亭。遊賞其地。每上巳重陽。士女遊戲。祓禊登高。車馬填塞。詞人賦詩。傳于京師。故杜少陵有樂遊園歌。

帝城勝景

景龍文館記。芙蓉園在京羅城東南隅。青林重複。綠水瀾漫。蓋帝城勝景也。駕時幸之。

雲間洞天

雲間洞天。宋錢良臣園也。在松江府東南。良臣叅大政。多訪江南奇花異卉。古松怪石。以營之。美景佳致。有如洞天。張漢陽園。

唐常臯遷山南節度使張柬之有園在襄陽臯嘗宴集將市取之馬奔曰漢陽有中興功今遺業當百世共保奈何使其子孫當乎臯謝曰主吏失辭以為君羞微君安得聞此言

韓平原園

勝景園在杭州西湖雷塘塔路口宋高宗時別館也光宗時慈福太后以賜平原王韓侂胄改名南園陸務觀記其地實武林之東麓而西湖之水匯其下湖山之美天造地設公既受命乃以祿賜之餘葺為南園因其自然輔以雅趣

富鄭公園

洛陽名園多因隋唐之舊獨富鄭公園無所因襲景物最勝遊此園者自其第東出採春亭四景堂則一園勝槩可顧覽而得鄭公還政歸第謝絕賓客燕息此園幾二十年亭臺花木皆出其目營心匠故逶迤衡直墮爽深密皆曲有奧思

文潞公園

宋文潞公園地薄東城水渺瀰甚廣汎舟遊者如在江湖澗也淵映瀼水二堂宛在水中湘膚藥圃二堂間列水右潞公年九十官太師尚時杖履遊之

呂文穆園

洛陽有呂文穆園蓋伊洛二水自東南分注河南城中而

伊水允清徹園亭中喜得之文穆園在伊水上流水茂而竹盛春夏又無枯涸之患。

韓忠獻園

彰德府相州有康樂園宋韓魏公琦置魏公謚忠獻

楊誠齋園

宋楊誠齋東園新開九徑將江梅海棠桃李橘杏紅梅碧桃芙蓉九種花木各植一徑命曰三三徑詩云三徑初開是蔣卿再開三徑是淵明誠齋菴有三三徑一徑花開一徑行

施昌言園

真州東有東園宋皇祐中施昌言為發運使得州之監軍

廢營以作此園歐陽脩記蔡君謨書嘗謂人曰吾用顏筆作褚體故其字道媚異常後人因名園記為三絕園有澄虛閣清讌堂共樂堂拂雲臺

煙雲掩映

洛陽水北胡氏二園相詎十許步在邙山之麓灑水經其旁因岸穿二土竇深百餘尺堅如埏埴開軒窻以臨水上水清淺則鳴漱湍瀑則奔駛皆可喜也且林木蒼蔚煙雲掩映高樓曲榭時隱時見即使畫工極思不可為圖

景物蒼老

宋節度使苗侯既貴欲極天下佳處卜居因得河南而河南最佳處又得開寶宰相王溥園園既古景物蒼老復得

完力以藻飾之。於是遂有憑陵諸園之意矣。

京兆梨園

梨園有二。一在雲陽府慶縣。漢武置。一在京兆府通化門外。唐開元初。更置左右教坊。以教俗樂。又選樂工宮女自教之。謂曰。皇帝梨園子弟。文宗時。命太常卿王涯取開元雅樂按之。既成。獻于梨園。

秦淮菜園

宋書柳元景為尚書令。不營產業。秦淮南菜園數十畝。守園人賣菜得錢三萬。送宅。元景曰。我立此園種菜以供家中啖耳。乃復賣以取錢。奪百姓利耶。以錢乞守園者。

葛僊社山園

葛僊園在肇慶府德慶州東社山絕頂。相傳為葛洪煉丹所。今產躑躅花。

堯夫洛下園

宋邵堯夫洛下園池詩。洛下園池不閉門。洞天休用別尋春。縱遊只卻輸閑客。遍入何嘗問主人。更小亭欄花自好。儘荒臺榭景纔真。虛名誤了無涯事。未必虛名總到身。

獨樂園

獨樂園在河南府城南。司馬溫公陝人也。判西京留司御史臺。遂家于洛。買宅尊賢坊。為園其中。命曰獨樂園。自為之記。蘇東坡有詩。青山在屋上。流水在屋下。中有五畝園。花竹秀而野。花香襲杖屨。竹色侵酸棗。尊酒樂餘香。碁局

酸音蓋

消長夏洛陽古多士。風俗復爾雅。先生臥不出。冠蓋傾朝野。雖云與衆樂。中有獨樂者。才全德不形。所貴知我寡。先生獨何事。四海望陶冶。兒童誦君實。走卒知司馬。持此欲安歸。造物不我捨。

同樂園

同樂園在開封府城東北宋徽宗置。又衆樂園在温州府城內。縱橫一里。中有大池。堂榭棋布。花木彙列。每歲二月開園設醮。人大和會。盡春而罷。因名衆樂園。

玄圃 已下圃

玄圃在崑崙山。天帝所居。玄一作懸。

原圃

左傳。鄭之有原圃。猶秦之有具圃也。

芝圃

廣異記。僊都有芝圃。悉種靈芝。

蕙圃

拾遺記。崑崙山第九層。有芝田蕙圃。

抱甕灌圃

莊子曰。子貢過漢陰。見一夫人方將為圃。畦鑿隧而入井。抱甕而出灌。滑滑然用力甚多。而見功寡。子貢曰。有械於此。一日灌百畦。其名曰桔槔。用力甚寡。而見功多。夫子不欲乎。為圃者忿然作色曰。有機械者。必有機事。有機事者。必有機心。機心存于胸中。則純白不備。純白不備。則神生。

聯聲上

不定。神生不定者。道之所不載也。吾非不知羞而不為也。
子貢瞞然慙俯而不對。

儻舍為圃

宋張文潛種圃詩。儻舍亦為圃。從人笑我癡。自求佳草木。
仍插小藩籬。吾事正如此。人生聊自怡。霜松未及尺。獨我
見奇姿。

折柳以樊

詩齊風折柳樊圃。狂夫瞿瞿。

取瓜以獻

唐主四月憶瓜。明崇儼有道術。遂索百錢。以往須臾。以瓜
獻曰。得之緱氏老人圃中。帝召老人問焉。對曰。埋一瓜尖

之上。中得百錢。

列子居

列禦寇居鄭圃四十年。人無識者。

樊遲學

論語樊遲請學圃。子曰。吾不如老圃。

○市

易繫辭。日中為市。致天下之民。聚天下之貨。交易
而退。各得其所。風俗通。市者。恃也。言交易而退。恃
以不匱也。古今注。闔者。市之垣。闔者。市之門。

晏宅近市

左昭三年。初齊景公欲更晏子之宅。曰。子之宅湫隘蹶塵。

山堂集卷二十七 宮集二十七 十一

山堂集卷一
不可以居請更諸爽塏者辭曰君之先臣容焉臣不足以
嗣之于臣侈矣且小人近市朝夕得所求小人之利也敢
煩里旅

鄭門如市

漢鄭崇曰臣門如市臣心如水

吳市吹簫

史記伍子胥出昭關夜行晝伏至于陵水無以糊口吹簫
乞食于吳市

燕市擊筑

慶音近
史記荆軻者其先齊人徙于衛衛人謂之慶卿之燕燕人
謂之荆卿荆卿嗜酒日與燕之狗屠及屠擊筑者高漸離

飲于燕市酒酣漸離擊筑荆軻和而歌于市中相樂也已
而相泣。嗟若無人者。荆軻雖游于酒人乎。然其為人深沉
好書其所游諸侯盡與其賢豪長者相結。按筑似琴有絃
用竹擊之取以為名。

宜僚隱居

楚國先賢傳能宜僚隱居市南不屈于時

豫讓行乞

晉豫讓漆身為癩吞炭為啞行乞于市欲殺襄子為智伯
報讐

鶴舞

吳越春秋吳王闔閭與夫人及女食蒸魚王嘗以半與女

楊音轉

女怨曰。王食我殘魚。辱我甚矣。乃自殺。王痛之。葬于郊西。昌門外。金鼎。玉杯。銀樽。珠襦之寶。皆以送女。舞白鶴於吳市。令萬人隨觀。遂使與鶴俱入墓門。因塞之以送死。

狼入

劉向洪範傳。秦惠王四年。狼入咸陽市。

暴書咸陽

史記呂不韋為相。招術士。使人著所聞為呂氏春秋。暴之咸陽市。懸千金其上。有能增一字者。與千金。時無能者。

閱書洛陽

東漢書王充字仲王。會稽人家貧。常遊洛陽市肆間。閱所賣書。一見輒能誦憶。遂博通眾經。

辱身為屠

史記聶政。軼人殺人。避仇。與母姊如齊。以屠為事。濮陽嚴仲子辟人。因為政言曰。臣有仇而行游諸侯眾矣。然至齊。竊聞足下義甚高。故進百金為夫人廬糲之費。得以交足下之驩。聶政曰。臣所以降志辱身。居市井者。徒幸以養老母。老母在。政未敢以身許人也。

變名為卒

王莽亂政。梅福一朝棄妻子去九江。後人有見福于會稽者。變姓名為吳市門卒。

賣卜成都

漢書嚴遵字君平。賣卜于成都市。每依卦教人以忠孝。楊

雄少從之學

邛音窮

滌器臨邛

史記司馬相如者蜀郡成都人字長卿少好讀書學擊劍故其親名之曰犬子既學慕藺相如之為人更名相如以賢為郎事孝景帝相如素與臨邛令王吉相善嘗之臨邛臨邛富人卓王孫曰今有貴客為具召之并召令酒酣臨邛令前奏琴曰竊聞長卿好之願以自娛相如辭謝為鼓一再行是時卓王孫有女文君新寡好音故相如繆與令相重而以琴心挑之文君夜奔相如相如乃與馳歸成都家居徒四壁立王孫大怒曰女至不材我不忍殺不分一錢也文君久之不樂曰長卿第俱如臨邛從昆弟假貸猶

足為生何至自苦如此相如與俱至臨邛盡賣其車騎買一酒舍酤酒令文君當鑪相如身自着犢鼻褌與保庸雜作滌器于市中卓王孫聞而耻之為杜門不出昆弟諸公更謂王孫曰文君已失身於長卿長卿雖貧其人材足依也且又令客獨奈何相辱如此王孫不得已分予文君僮百人錢百萬及嫁時衣被財物文君乃與相如歸成都買田宅為富人

賣膠邛鄆

高士傳毛公薛公遭戰國之亂俱以處士隱邛鄆市毛公為博徒薛公賣膠薛公即孟嘗君田文也

賣藥長安

東漢韓康字伯休京兆灃陵人採藥名山賣于長安市時有女子從康買藥康守價不移女子怒曰公是韓伯休耶乃不貳價康曰成本欲逃名今女子皆知何用藥為乃遁入灃陵山中

翁歸為吏

漢大將軍霍光秉政諸霍在平陽其奴客持刀入市闖變吏不能禁及尹翁歸為市吏莫敢犯者公廉不受饋面賈畏之

祭遵為令

東漢光武以祭遵為市令上家人犯法遵格殺之

槐市

三輔黃圖元始四年起明堂辟雍長安城南北為會市但列槐樹數百行為隊無墻屋諸生朔望會此市各持其郡所出貨物及經書傳記笙磬器物相與買賣雍容揖遜議論槐下謂之槐市

花市

揚州人無貴賤皆喜戴花每花時開明橋之間拂旦有花市焉

引車入市

史記魏信陵君聞隱士侯嬴車騎虛左自迎之侯生曰臣有客在市屠中願枉車騎過之公子引車入市見其客朱亥

乘駟入市

唐杜佑字君卿為司徒嘗言致仕之後必買小駟跨之着
麤布襴衫入市看盤鈴傀儡足矣。

戎狄互市

唐高祖武德八年突厥吐谷渾各請互市詔皆許之先是
中國喪亂民乏耕牛至是資于戎狄雜畜被野。

宦官主市

唐德宗時命宦者主宮市大率物價直千不償一。

獄市

漢齊相曹參入相屬後相以齊獄市為寄慎勿擾也。

官市

蠶市在眉州城內官市蜀本蠶業之國故州民習俗重蠶
事每二月望相聚鬻蠶器于此因而縱觀至暮而散二蘇
有記

夜市

桓譚新論扶風邠亭本太王所居有夜市古詞鐵馬牙旗
穿夜市。

朝市

周禮地官司市大市日昃而市百族為主朝市朝時而市
商賈為主夕市夕時而市販夫販婦為主。

虛市

南越謂野市曰虛吳賢良云市之所在有人則滿無人則

虛嶺南村市滿時少。虛時多。故謂之虛市。柳子厚峒氓詩。青箬裹鹽歸洞客。綠荷包飯趁虛人。又童區寄傳。逾四十里之虛所賣之。

亥市

荆吳之俗。取寅申巳亥日集於市。故謂之亥市。青箱雜記。蜀有疫市。間日一集。如瘧疾。間日作也。江南惡此疾。故止曰亥市。

橋梁

橋。水梁也。獨木橋為權。亦曰約。楚人謂橋為地。梁謂浮橋。秦昭王四十九年始作河橋。

約音勺
地音夷

玉河

玉河橋。在順天府南玉河之上。凡三。一跨長安東街。一跨文德坊。一近城垣。

金梁

金梁橋。在開封府汴蔡故道上。

朱雀

吳有朱雀橋。晉王敦反。改為乘雀橋。又名朱雀航。今名鎮淮橋。又名重譯橋。在金陵聚寶門外烏衣巷口。

白鶴

白鶴橋。在句容縣東。相傳太茅君每歲十二月駕白鶴來。此會羣僊。故名。眉州青神縣有青羊橋。相傳周時老子乘青年出關。過此橋。故名。

與女子期

莊子曰尾生與女子期于梁下。女子不來。水至不去。抱梁柱而死。

與老父期

史記張良步遊下邳。圯上有一老父至良所。墮其履圯下。顧謂良曰。孺子下取履。良愕然為其老。強忍下取履。父曰。履我。良長跪復之。父以足受。笑而去。復還曰。孺子可教矣。後五日。平明與我會。此良跪曰。諾。五日平明。良往。父已先在。怒曰。與老人期。後何也。去曰。後五日早會。五日雞鳴。良往。父又先在。復怒曰。後何也。去曰。後五日復早來。五日良夜未半往。有頃。父亦來。喜曰。當如是。出一編書曰。讀此則

為王者師。後十年興。十三年孺子見我。濟北穀城山下黃石。即我矣。按下邳縣有沂水。號長利池。池上有橋。即黃石公授書之地。

相如題柱

漢司馬相如往京師。過蜀郡。昇僊橋。題其柱曰。大丈夫不乘駟馬車。不復過此橋。橋在成都府城北。

德幹止車

唐權萬紀族孫懷恩。嘗過汴州。刺史楊德幹與懷恩名相埒。時汴橋新成。德幹立木中涂。止過車者。懷恩適過之。示德幹曰。民不可止耶。焉用此。德幹慙服。

克國過師

漢趙充國治湟陝以西道橋七十所。令可至鮮水左右。以制西域。伸威千里。如枕席上過師。

廣德諫帝

漢元帝初元中。酌祭宗廟。出便門。欲御樓船。薛廣德當乘輿車。免冠頓首曰。宜從橋。

南鄉

建寧府建安縣東有南鄉橋。宋袁樞未第時過此。題于柱曰。王龍倒影臥寒潭。人在雲霄天地寬。借問何人題此柱。茂陵詞客到長安。

西善

金陵城西南清溪上有西善橋。梁時名新林橋。武帝敗齊

師處。即此。

富平津橋

晉杜預以孟津渡險。請建河橋于富平津。眾論以為殷周所都。經聖賢而不作者。必不可作故也。預曰。昔造舟為梁。則河橋之謂也。固請為之。及橋成。晉主從百僚臨會。舉杯屬預曰。非卿此橋不立。預曰。非陛下之明。臣亦無所用其力。

逍遙津橋

逍遙津橋在廬州府城東北。明遠臺東。吳孫權為魏將張遼所襲。乘駿馬上津橋。橋輒丈餘。起渡得免。後人名為飛騎橋。

駱駝

駱駝橋在湖州府治東以形似駱駝故名舊有顏真卿所書駱駝橋三字

鳳凰

鳳凰橋在松江府城西北跨顧會浦西接鳳凰山尾故名

伍相

伍相橋在衡州府耒陽縣治北相傳吳相伍子胥經此

丁師

丁師橋在武昌府咸寧縣西昔有姓丁者創此橋因名

吹簫

揚州二十四橋在府城內並以城門坊市為名隋時置唐

杜牧寄揚州韓綽判官詩二十四橋明月夜玉人何處教吹簫後人因名為吹簫橋

裝駕

杭州清泰門西有春熙橋一名裝駕橋相傳宋高宗自越州渡以還臨安泊舟裝駕于此

滌羊

杭州湧金門外有滌羊橋宋時滌羊之所也

渡蟻

渡蟻橋在德安府應山縣治南宋郊兄弟嘗隨父官應山後人因郊渡蟻事而遂以名其橋

落驢

袁州府城東有湛郎橋。唐貞觀初，宜春人彭伉登第，其妻與郡吏湛貴之妻姊妹也。妻族賀伉，坐上皆名士，獨飯貴于後，閣貴憤怒，自是力學，一舉擢上第，伉方過此橋，聞之，失聲墜驢。故袁人諺曰：湛郎及第，彭伉落驢。又名落驢橋。

走馬

金陵湘宮寺前有狐首橋，一名走馬橋。

周處斬蛟

義興郡長橋，後漢袁府君造。橋下有蒼蛟，每吞殺人。周處執劍橋側，伺其出，懸劍自上投下，刺蛟背而死。按義興，今改為宜興縣。

邵雍聞鶉

天津橋在河南府西南，架洛水上。隋煬帝建，用大船連以鐵鎖，南北夾起，四樓。唐貞觀中，始甃石為岸。即宋邵雍聞杜鵑聲處。元順帝至平十八年，大都有杜鵑，綱目書：宋將亂，鵑聲聞于天津。今胡運將衰，鵑至大都，然則國之興亡，謂非其數可乎。

題扇橋

紹興府戒珠寺前有題扇橋，即王羲之題扇處。

夢筆橋

山陰縣治東北有夢筆橋，相傳梁江淹所居處。

三峽

三峽橋在廬山歸宗寺，為廬山雄觀。蘇轍記：水行石間聲。

如雷霆。雖三峽之險，莫過于此。故名。

萬里

萬里橋在蜀浣花溪之東。昔孔明送吳使者至此，曰：萬里之行，從此始矣。因得名。唐玄宗狩蜀，過此橋，問橋名。左右對以萬里。上嘆曰：開元末，僧一行謂更二十年，國有難，朕當遠遊至萬里外。此是也。遂駐驛成都。

繫龍

東漢時邑人瞿宗武入峨眉山得道，乘龍還家。繫龍于潭。故潭名繫龍。後乘龍而去。潭上有橋，亦名繫龍。宋龐籍送石揚休還峨眉詩：巢鳳閣邊勞遠夢，繫龍橋下認前題。

乘鯉

乘鯉橋在蘇州子城西北。宋吳子英嘗于此得赤鯉，有翅角，遂乘之飛去。故名。

中渭

中渭橋在西安府西北。本名橫橋，架渭水上。秦始皇併天下，都咸陽，作離宮于渭之南北。渭水貫都，以象天漢。橫橋南渡，以法牽牛。又東渭橋在府城東北。漢高祖造以通櫟陽之道。西渭橋在舊長安城西。漢武帝造以通茂陵。以其對便門，亦名便橋。唐改名咸陽橋。

半蘇

半蘇橋在吉安府城南城隍岡。蘇軾過此，見花木秀發，以其境半于蘇州，故名。橋曰半蘇。

張塔

張塔橋在松江府城東門外。又名眾安橋。

盧溝

盧溝橋在順天府西南三十五里。跨盧溝河。金明昌初建。長二百餘步。石欄刻為獅形。每早波光曉月。上下蕩漾。為京師八景之一。

機橋殲賊

經音恒。唐康承訓屯海州。度賊將至。乃作機橋。維以長絙。及賊未半渡而絙絕。士多溺歿。其已渡者不得戰。遂殲之。

航橋控賊

唐史思明自魏至。王師南潰。郭子儀以朔方軍保河陽。斷

航橋以控賊。

獺嗥

周處風土記。陽羨縣前有大橋。橋下有獺。將有兵動。獺出穴口。向西而嗥。

龍臥

朝野僉載。趙州石橋望之。如初月出雲。長虹飲澗。天后時。發音淋。匈奴默啜欲南渡。至橋上。忽馬不進。見青龍臥此橋。乃去。

子午

唐狄仁傑。盧氏堂姨。居于午橋南別墅。

丁卯

丁卯橋在鎮江府城南。晉元帝子哀鎮廣陵。運糧出京口。

康音待因水涸奉請立埭用丁卯日後人建橋遂名丁卯唐許渾嘗築別墅于橋側宋陸游詩裴相功名冠四朝許渾身世老漁樵若論風月江山主丁卯橋應勝午橋

忠孝橋

都昌縣北有忠孝橋跨忠孝港宋寺丞陳睦獲罪其子代父死故名其橋以旌之

安平橋

安平橋在晉江縣西南石井鎮宋紹興中趙令建長八百餘丈

梯雲

梯雲橋在平湖縣治西

飛虹

鉉音遠譚苑徐常侍鉉仕江南日嘗直澄心堂每入直至飛虹橋馬輒不進裂鞍斷轡筆之流血掣韁卻立莫知所謂餘杭僧替窻云下必有海馬骨水火俱不能毀惟漚以腐骨即毀鉉于是得巨獸骨積薪不能焚如法治之怪亦隨滅

芙蓉

芙蓉橋在濟南府大明湖上宋曾鞏詩鴈起橫連杜若洲碧欄干影在中流蓬萊日月遊人到誰道僊風解引舟

海棠

海棠橋在南寧府橫州橋南北皆植海棠有書生祝姓者家此宋秦觀嘗醉宿其家明日題一詞喚起一聲人悄

冷夢寒窓曉瘴雨過海棠開春色又添多少社酒釀成微
笑半破椰瓢共酌覺傾倒急投牀醉鄉廣大人間小。

償粟治橋

唐王周歷四鎮皆有惠政定州橋壞覆民租車周曰橋梁
不脩刺史之過也乃償民粟為治其橋。

據水斷橋

蜀先主為曹操所追張飛據水斷橋無敵涉者。

銷魂

長安東灞陵有橋漢時送行者多至此折柳送別唐開元
遺事迎新送故皆至此黯然故又呼為銷魂橋。

欽化

宋志欽化橋即筮橋也今名太平橋在應天府西北。

乘月作詞

綠楊橋在黃州府蘄水縣東蘇軾嘗夜醉乘月臥此橋既
覺作西江月詞其末句解鞍歌枕綠楊橋杜宇數聲春曉

望江製賦

台州府臨海縣有赤欄橋晉成公綏為章安令登橋望江
製雪賦。

大夫橋

唐隱士張志和築室越州東郭觀察使陳少游往見為終
日留先是門阻流水無橋梁少游為創之人號大夫橋。

大師橋

太師橋在同安縣治東宋建隆初留從效造張贊明記積師得陸羽

沔陽州景陵縣有鴈橋舊傳有人見鴈集西陂覆一小兒下僧史積師得之育三歲不知其姓以易筮之得蹇之漸爻辭云鴻漸于陸其羽可用為儀乃氏以陸名以羽字以鴻漸後人因以鴈名其橋

似道遇葉李

愚音頭宋帝熈德祐中詔責授宰相賈似道高州團練使至洛陽橋遇葉李李乃似道為相時所摘貶者自漳州召還見于客邸因作一詞贈似道曰余歸路君來路天理昭昭胡不悟公田關會更何如子細思量真自誤雷州戶屋州戶人

生會有相逢處客中邂逅欠蒸羊聊贈一篇長短賦按洛陽橋在泉州晉江縣東萬安渡以其跨洛陽江故名一名萬安橋宋郡守蔡襄君謨建自為記云萬安渡石橋始造于皇祐五年四月庚寅以嘉祐四年二月辛未訖功累址于淵醜水為四十七道長三千六百丈廣百有五尺翼以扶欄如其長之數而兩之糜金一千四百萬職其事者盧錫王寔許忠浮屠義波宗善等十有五人既成太守莆陽蔡襄為之樂合燕飲而落之明年秋蒙召還京師道由是出因記所作勒于岸左又按江在泉州而名洛陽者唐宣宗嘗微行覽山川勝槩至泉州江上有類吾洛陽之語故名葉李臨安府學生理宗景定四年貶漳州

雙投

杭州西湖南入路有雙投橋相傳舊有情人雙投于橋下故名一名長橋元富春馮士願詩云與郎情重得郎容南北相看只兩峯請看雙投橋下月新開雙朵玉芙蓉

七縱

七縱橋在四川雅州孟山下相傳為孔明擒孟獲而得名

六橋

杭州西湖蘇隄其橋有六曰映波鎖瀾望山壓隄東浦跨虹是也自淨慈寺前直抵大佛頭即所謂蘇隄也

七橋

瑒音渠常璩華陽國志李冰造七橋上應七星

竹橋

竹橋在應天府西安門外之北跨清溪上

楓橋

楓橋在蘇州城西面山臨水可以遊息南北往來必經于此唐張繼有楓橋夜泊詩即月落烏啼霜滿天四絕句也

虎渡

虎渡橋在漳州府城東柳營江上昔有虎渡是江土人因以名橋古諺虎渡通人行漸漸出公卿此橋宋嘉定間建

鶴舞

鶴舞橋在蘇州城東北隅相傳吳王女出葬日有鶴舞于市故名

五柳

五柳橋在嘉興縣治西。一名豐慶橋。宋張堯同有詩。

百花

百花橋在南昌府東湖北百花洲上。宋况志寧詩。波光清淺。玉虹橫過客。誰題柱上名。錦繡鋪張春色滿。小車花下麗人行。

吳江長橋

長橋在蘇州府吳江縣東門外。有七十二洞。舊名垂虹橋。東西千餘尺。橫跨松江。前臨大湖。乃吳江絕景也。宋鄭毅夫詩。三百欄干鎖畫橋。行人波上踏瓊瑤。挿天蟠螭玉腰闊。跨海鯨鯢金背高。

惠州浮橋

羅浮逸士鄧守安于惠州東。始作浮橋。隨水漲落。

去思橋

福州府城有去思橋。舊名澳橋。宋守謝泌重建。後人因名歸去橋。

宋柳拱辰天聖中試珠藏淵賦。王拱辰榜登第。至和中知永州。卽有樹冠之志。創一橋曰歸老。曾南豐作記。

宮集二十七卷終

惠風野

子林國大

山堂肆考地理第二十八卷

○鄉里

輿地提綱鄉之為言向也。眾所向也。里之為言止也。眾所止也。

五州為鄉

周禮大司徒令五家為比，使之相保。五比為閭，使之相受。四閭為族，使之相葬。五族為黨，使之相救。五黨為州，使之相調。五州為鄉，使之相賓。注云：二十五家為閭，閭里門也。相受言可以相容相託也。百家為族，五百家為黨，二千五百家為州，萬二千五百家為鄉。相賓言其間彼此有賢能者，可用三歲之時相與賓興之。

十亭為鄉

漢法十里一亭。十亭一鄉。迨至李唐。以百戶為里。五里為鄉。

鄉三物

周禮大司徒以鄉三物教萬民而賓興之。一曰六德。智仁聖義忠和。二曰六行。孝友睦婣任恤。三曰六藝。禮樂射御書數。又鄉大夫以鄉射之禮。五物詢衆庶。一曰和。二曰容。三曰主皮。四曰和容。五曰興舞。

鄉八刑

大司徒以鄉八刑糾萬民。一曰不孝。二曰不睦。三曰不婣。四曰不悌。五曰不任。六曰不恤。七曰造言。八曰亂名。

五十養于鄉

禮王制。凡養老。五十養于鄉。六十養于國。七十養于學。達于諸侯。八十拜君命。一坐再至。贅亦如之。九十使人受之。六十杖于鄉。

封齊反葬

禮檀弓。太公封于營丘。比及五世。皆反葬于周。君子曰。樂其所自生。禮不忘其本。古人有言曰。狐死正丘首。仁也。

寓衛勸歸

詩邶風。式微式微。胡不歸。微君之躬。胡為乎中露。式微式微。胡不歸。微君之躬。胡為乎中路。

邶音佩

微胡不歸。微君之躬。胡為乎泥中。此黎侯失國而寓于衛。其臣勸之歸。作此詩。

操楚音

左成九年。楚鍾儀為晉所繫。晉侯與之琴。遂操楚音。晉侯曰。樂操土風。不忘本也。遂釋之。

為越吟

越人莊舄仕楚楚王曰。舄越之鄙人。今日入楚富貴耳。亦思越否。使人往聽之。乃為越吟。

不非大夫

家語。子貢曰。禮居是邦。不非其大夫。

與進童子

論語。互鄉難與言。童子見門人。感子曰。與其進也。不與其退也。唯何甚。

敬桑梓

詩小雅。維桑與梓。必恭敬止。

禱粉榆

見社日。後人用粉榆字為鄉曲。本此。

不廢鄉好

左哀八年。吳為邾故。將伐魯。問于叔孫輒。輒對曰。魯有名而無情。伐之必得志焉。退而告公山不狃。公山不狃曰。且夫人之行也。不以所惡廢鄉。注云。不以其私怨惡廢棄鄉里之好也。

甚得鄉心

吳魯肅大散財貨甚得鄉里忻心。

隱西河

唐登科記段干木隱而西河美李陵降而隴西慚。

處高唐

孟子曰王豹處於淇而河西善謳綿駒處於高唐而齊右善歌。

勝母朝歌

淮南子曰曾子至孝不過勝母墨子非樂不入朝歌。

廉泉讓水

見水。

義行見稱

東漢王烈字彥方以義行見稱于鄉里有爭田者將質之于烈或至塗而反有為盜者曰不辭刑罰乞勿使王彥方知之故所居號君子鄉。

豐約與共

晉中興書何琦尚節義豐約與鄉鄰共之。

表正鄉閭

東漢陳寔字仲弓在鄉閭平心率物其有爭訟輒求判正曉譬曲直退無怨者。

索居鄉里

南北朝餘干人陸襄少有大志與鄉里落落不合越州刺

史趙政問之。襄曰：世降道衰，人多趨利，是以索居政器之。
以賦薦帝。

漢司馬相如，成都人。事景帝為武騎常侍，以病免。客遊梁，著子虛賦。蜀人楊得意為相監侍武帝，帝讀子虛賦而善之，曰：朕獨不得與此人同時哉！得意曰：臣邑人司馬相如為此賦，上驚召相如，相如請為天子遊獵賦，上大悅，以為郎。

以賦示人

吳志：張紘，字子綱，作楠榴枕賦。陳琳見之，以示人曰：此吾鄉人張子綱所作。

邑子託翁歸

漢尹翁歸，字子兄，召拜東海太守。過辭廷尉于定國，定國家在東海，欲屬託邑子兩人，令坐後堂待見。定國與翁歸語，終日不敢見其邑子。翁歸既去，定國謂邑子曰：此賢將汝不任事也，又不可干以私。

邑子薦買臣

漢朱買臣，字翁子，吳人也。詣闕上書，久不報。會邑子嚴助貴幸，薦買臣，召見，說春秋，言楚辭，帝甚悅之，拜買臣為中大夫，與嚴助俱侍中。

號高陽鄉

孔帖：劉子玄封居巢縣子，鄉人以其兄弟六人俱有名，號鄉曰高陽里，曰居巢。

號樂城鄉

孔帖劉仁執進爵為公子及兄子受上柱國者三人州黨榮之號所居為樂城鄉。

垂組夸鄉

漢武帝以璽書赦責樓船將軍楊僕曰將軍請乘傳行塞因用歸家懷銀黃垂三組夸鄉里。

杖節還鄉

後魏董徵以儒學累遷安州刺史因述職過家置酒高會乃云腰龜返國昔人稱榮杖節還鄉云胡不樂誠子弟曰此富貴匪自天降乃勤學所致耳時人榮之。

衣繡畫行

張允為雍州刺史太祖曰還鄉本州可謂衣繡畫行矣。

衣錦畫遊

唐中宗時僕射魏元忠還宋州拜掃上白馬寺以送之制曰衣錦畫遊在乎茲日散金敷惠諒焉斯辰元忠至鄉竟世賑施議者短之。

賢人鄉

魏任旄字子旗樂安傳昌人漢末黃巾起到傳昌聞旄姓名曰夙聞任子旗天下賢人今作賊那可入其鄉耶。

孝子鄉

北史華秋事母以孝聞母喪負土成墳築廬墓側詔表其門閭後賊起往來于廬之左右咸相戒曰勿犯孝子鄉。

示子孫不忘

見節度使

與耆老相樂

孔帖唐司空圖每歲時祠禱與問里耆老鼓琴相樂

去家自痛

漢貢禹上書臣禹犬馬之齒八十一自痛去家三千里誠恐一旦躋作不能自還乞骸骨生歸鄉里無所恨

思鄉轉深

見夏

晉卿入壺關

唐苗晉卿字元輔潞州人為太守入壺關望縣門輒步行

或問之答曰公門當下况父母邦乎後秉政

全節過元城

五代馬全節初徙廣晉後過元城衣白襪謁縣官鄉人為榮

入里門必趨

史記萬石君徙居陵里少子內史慶及諸子入里門必趨至家按高祖初召奮姊為美人以奮為中涓受書謁徙其家長安中戚里及景帝時始徙陵里謂茂陵邑中里也

望里門則步

東漢張湛字子孝為馮翊告歸平陵望里門則步行主簿曰明公位尊不宜自輕湛曰父母之國所宜盡禮何輕之

有

鄉人所知

世說許允為吏部郎多用其鄉里魏明帝遣虎賁收之既至帝覈問之允對曰臣之鄉人臣所知也

鄉人所嫉

晉何曾凌駕人物鄉人嫉之如讐永嘉之末何氏滅亡

反貽患若

東坡志林司馬長卿始以污行不齒于蜀人既而以賦得幸天子未能有所建明亡絲毫之善以自贖也而創開西夷逢君之惡以患苦其父母之邦乃復矜其車服節旄之美使邦君負弩先驅豈詩人致恭桑梓萬石君下里門之

義乎

不宜剽殘

唐李勣微時往從常城翟讓為盜說之曰鄉壤不宜自為剽殘

奮懷河東

柳子厚書河東吾土也家世遷徙莫能就緒其間有大河條山氣蓋關左吾因翹翹塞裳奮懷舊都

散步洛水

邵氏聞見錄司馬溫公判西京留司御史臺遂居洛濱買園于尊賢坊以獨樂名始與先君康節遊嘗曰光陝人先生衛人今同居洛即鄉人也如有道學之尊當以年德為

齊官職不足道也。公一日着深衣，自崇德寺書局散步洛水堤上，因過康節天津之居，謁曰：程秀才云及既見公，問其故。公笑曰：自馬出自程伯休父，故曰程。因留詩云：拜罷歸來抵寺居，解鞍縱馬罷傳呼。紫衣金帶盡脫去，便是林間一野夫。

揚名鄉

五代鄧佑擢童子科，第吉擢三禮科，改所居為揚名鄉。兩秀里，按佑臨江人。

累德里

北史紐因字孝政，父母亡，廬于墓，負土成墳，墳前生麻一株，其大合拱，久夏常青。周武帝表其閭，擢授其棠令，子士

樵亦至孝，父喪廬墓，庭槐枯死，服終還家，槐復榮茂。周文帝下詔，號所居為累德里。

居鄉恂恂

論語：孔子於鄉黨，恂恂如也。

去國遲遲

孟子曰：孔子去魯曰：遲遲吾行也。去父母國之道也。

里號鳴珂

唐張嘉貞為相，弟嘉祐為金吾將軍，號所居為鳴珂里。

里名其謗

唐賀德仁兄弟八人，居其謗里。太守王伯山改為高陽里。

冠蓋里

漢襄陽郡峴山南至宜城百里餘其間雕墻峻宇閭里填列宣帝末至有卿士及刺史二千石數十人同日大會荆州刺史行部見之敕縣名其里為冠蓋里。

巾車鄉

東漢馮異初在巾車鄉為漢兵所獲。

陰鄉

秦樗里子名疾惠王異母弟注云疾居渭南之陰鄉其里有大樗木故號樗里子。

穢里

齊劉繪闕里人為河東相居人有姓賴者所居名穢里繪朝之曰君有何穢而居穢里答曰未審夫子有何闕而居

闕里

非詫紳弁

宋韓魏公畫錦堂詩公餘新此堂夫豈事飲燕亦非張美名輕薄詫紳弁重祿許安閒顧已常兢戰庶幾一視榜則念報主春。

豈誇軒裳

歐陽永叔寄題相州榮歸堂詩白首三朝社稷臣壘漿夾道擁如雲金貂爭看真丞相竹馬猶迎舊使君豈止軒裳誇故里已將鐘鼎勒元勳不須授簡平津客好學平津自有文。

月旦里

東漢汝南許劭與兄靖俱有高名。好共覈論鄉黨人物。每月輒更其題品。故汝南有月旦評焉。今汝陽縣東北有二許兄弟所居。後人因名之龍鄉。月旦里。

德政鄉

唐咸通中。建昌令邵師裕為政以德。邑人感之。以德政名其鄉。隣境之人慕之。多來歸附。又以下隣名鄉。取王翰願卜隣之意。

老窮不遺

禮崇義居鄉以齒。而老窮不遺。強不犯弱。衆不暴寡。而弟達平州巷矣。

守望相助

孟子曰。死徙無出鄉。鄉田同井。出入相友。守望相助。疾病相扶持。

鄭公鄉

東漢鄭玄。字康成。北海人。玄好學。學徒至數千百人。國相孔融深敬玄。令高密縣為玄特立一鄉。曰鄭公鄉。開廣其門閭。令容高車。號曰通德門。

趙公里

宋趙清獻公之里。表曰故孝子趙清獻居其里。曰孝悌里。

光德里

唐博陵崔邠兄弟六人。自始仕至貴達。同居光德里一宅。調元鄉。

山堂詩苑 卷之二十八 十一
宋李昉字明遠所居鄉曰調元鄉秉鈞里。

○比鄰

周禮大司徒五家爲比。而遂人又五家爲鄰。比則親之。至鄰則相鄰近也。

救災

左僖十三年。晉薦饑。使乞糴于秦。秦伯謂百里奚與諸平。對曰。天災流行。國家代有。救災恤鄰。天之道也。行道有福。秦于是乎輸粟于晉。

禦患

晏子曰。君子居必擇鄰。可以禦患也。

教子擇鄰

孟母事

戒子訴鄰

楊玠初事蜀。隨王衍歸後唐。後以老致仕歸長安。其舊居多爲隣里侵占。子弟欲詣府訴。玠批狀尾云。四隣侵我。我猶伊。畢竟須思。未有時。試上含元殿。基望秋風。秋草正離離。子弟不敢言。

納鄰娶婦

昔顏叔子嘗獨處于室。鄰之娶婦。遇夜暴風雨。至室壞。婦人趨而至。顏叔子納之。使秉燭放乎旦。而燭盡。東新而繼之。

桃鄰美女

晉書謝鯤字幼輿見鄰女高氏貌美挑之女投梭折其兩齒時人語曰任達不已幼輿折齒鯤長笑曰猶不廢我笑歌

乞醯

論語孰謂微生高直或乞醯焉乞諸其鄰而與之

送酒

晉陶侃家貧有友人見過侃無以致誠其鄰人謂侃曰子門有長者軒車何不延之論當世事侃曰貧不能備禮耳鄰人密于墻頭送濁醪隻雞遂成終日之歡

爭池

見池

益地

會稽典錄陳囂與民紀伯為鄰伯夜拔籬竊囂地自其囂見之伺伯去後密拔其籬一丈以地益伯伯覺慙懼既還所侵又却一丈太守周公高囂德義刻石旌其閭號曰義里

灌瓜

賈誼新書梁大夫宋就為邊縣令與楚鄰界兩亭皆種瓜梁人劬力數灌其瓜美楚人疏而稀灌其瓜惡楚令以梁瓜美夜竊搔之于是梁瓜皆有焦者矣梁亭請其尉欲報搔楚瓜宋就曰是構怨分禍之道也令人竊為楚亭夜灌瓜楚亭旦而往瓜則已灌瓜日以美往而察之則梁亭為

也楚令大悅以聞楚王楚王悅梁之陰讓也謝以重幣而交好于梁王。

撲棗

杜詩堂前撲棗任西鄰。

連牆不謁

列子與南郭子連牆而居三十年不相請謁。

同巷不親

宋包孝肅公與人同巷亦不相親。

居側僧珍

梁呂僧珍字元瑜為南兗州刺史初宋李雅罷南康郡而宅居僧珍宅之側僧珍問宅價答曰一千一百萬怪其貴

李雅曰一千萬買宅一百萬買鄰及僧珍生子李雅往賀
丞曰錢一千閣人少之不為通李雅強進僧珍疑其故自
發之乃金錢也僧珍言于武帝拜衛州刺史。

居近康節

宋富鄭公自汝州得請歸洛養疾築第與邵康節天津居
相近公謂康節曰自此可時相招矣康節曰雍冬夏不出
春秋時問過親舊間相招未必來不召或自至公謝客誠
其子曰先生來必以時見康節一月過之公贈以詩先生
自衛客西畿樂道安閒絕世機再命初筵終不起獨其窮
巷寂無依貫穿百代常探古吟咏千篇亦造微珍重相知
忽相訪醉和風雨夜深歸。

山堂集卷之十八 十一



原件短缺

P-15

共竈同渠

唐于鵠鄰居詩僻巷隣家少茅簷喜竝居。然梨常共竈澆
雖亦同渠傳履朝弄藥分燈夜讀書。雖然在城市還得似
樵漁。

透燈分井

宋梅堯臣贈鄰居詩壁隙透燈光籬根分井口。徐鑿喜亦
少保卜隣詩井泉分地脉砧杵共秋聲。

○牆

釋名牆障也所以自障蔽也。

見堯

東漢李固傳舜食則見堯于羨室則見堯于牆。

九丈

孟奧北征記鄴城避雷室西南石溝北有華林。牆高九丈
方圓一里。

雲度

杜詩小雲低度牆。注云。公嘗過友人舍。問其牆低。友人曰。
使山雲易度爾。

雨侵

柳詩驚風亂颭芙蓉水。密雨斜侵薜荔牆。

琉璃牆

南州異物志。大秦國以琉璃為牆。

丹青牆

初學記諸侯墻壁無丹青之彩。

○壁

釋名壁辟也。言辟禦風寒也。

視壁三年

葛洪神仙傳。白和。遼東人。師事王君。王君語曰。我暫住瀛洲。汝止此石壁。熟視久久。當見壁上文字。讀之得矣。和視三年。方見壁有古人所刻太清經。誦之而得仙。

面壁九年

初祖達摩與梁武帝議論不合。潛回江北。止嵩山少林寺。面壁九年。摩一作磨。

壁中得書

書序。魯共王好治宮室。壞孔子舊宅。以廣其居。于壁中得先人所藏古文。虞夏商周之書。及論語孝經科斗文字。

壁上刻文

衡山記。甘泉東石壁上有禹所刻文在焉。

皆畫烈士

蔡質漢官曲職。省中皆以胡粉塗壁。畫素界之。畫古烈士。隱起忠臣。

西征記。焦氏山魯恭塚前。有石祠。四壁皆青石。隱起忠臣。孝子貞婦形像。皆刻石記碑文。

破壁燎火

魯男子夜大雨。有鄰之癡婦。因風雨壞屋。投棲焉。男子乃

山堂集卷之八
破壁燎火以達旦。

鑿壁引光

漢匡衡字稚圭。勤于學。家貧無燭。鄰舍有燭而不逮。乃穿壁引光讀書。

畫鷄

鎮江府城內興國寺。舊苦鳩鴿汚佛像。唐張僧繇于東壁畫一鷄。西壁畫一鷄。自是鳩鴿不復入。

畫龍

唐張僧繇。在金陵安樂寺。壁畫四龍。不點睛。

塗椒

石崇以椒塗壁。王愷用赤石脂。

加壁

酉陽雜俎。唐大曆末。禪師玄覽住荊州陟岵寺。道高有風韻。人不可得而親。張璪嘗畫古松于齋壁。符載讚之。衛象記之。亦一時三絕。玄覽悉加壁焉。人問其故。答曰。無事亦吾壁也。

江祿積錢

梁書。江祿為武寧郡。頗有資產。積銅錢于壁。壁為之倒。連銅物皆鳴。人戲之曰。此所謂銅山西傾。洛鐘東應者也。

佐卿挂箭

益州道士徐佐卿。有仙術。嘗化鶴飛遊沙苑。遇唐玄宗出獵。射之。鶴帶箭投西南去。歸觀謂弟子曰。吾今日遊山中。

延音責

聖汗慈
二音

山堂集卷之八
宮集二十八卷
為飛矢所中。以箭挂壁上。曰待箭主到此可付與之。後數年。玄宗遊蜀。入觀中。見壁上箭。曰此吾沙苑中射鶴箭也。詰之。乃知佐卿化鶴故也。

相如壁立

見市。

孝嗣壁崩

齊徐孝嗣初在帥府。晝臥。齊北壁下。夢兩童子遽云移公牀。孝嗣驚起。聞壁有聲。行數步。壁崩。

書賦

五代。扈載遊相國寺。見庭竹可愛。作碧鮮賦。書其壁。周世宗聞之。遣小黃門就壁錄之。覽而稱善。因拜水部員外郎。

吟詩

清異錄。臨川李善寧之子。十歲能即席賦詩。親友嘗以貧家壁試之。略不構思。吟曰。椒氣從何得。燈光鑿處分。拖涎來藻飾。惟有篆愁君。按蝸牛。一名篆愁君。

藏壁避難

東漢趙岐逃難。自匿姓名。賣餅北海市中。安丘孫嵩載與俱歸。藏複壁中。遇赦乃出。

畫壁記租

唐漢陽公主性儉。常用鐵簪畫壁。自記田租所入。

不戰而

山堂肆考地理第二十九卷

○城郭

崔豹古今注。城者盛也。所以盛受民物也。輿地提綱。城上垣曰堞。女牆曰睥。樓曰麗譙。下有門曰譙門。望樓無覆屋曰櫓。城外有池。池有水曰隍。城之小者曰堡。或曰鄣。曰壘。有軍屯處曰壁。外城曰郭。曰郭。劉熙釋名。城上垣曰睥睨。言于孔中睥睨非常也。亦曰睥。言睥助城之高也。亦曰女牆。言其卑小。比之于城。若女子之于丈夫也。

却月

荆州記。沔陽縣至沔口水北有却月城。廬州府無為州東

